

eripit. Iam quod maiores minoresq; ignes existant, id fieri ostendimus, pro materiæ ex terra aquisq; eleuatæ, proq; pinguïum, & tenacium, uarieq; mixtarum exhalationum & quantitate & qualitate. Quocirca ex superstitione, pueriliq; metu profecta est omnis hæc diuinatio, non ex rei ipsius natura, non disciplina ulla, uel sacra, uel prophana: quæ quidem firmis ac ueris nitatur fundamētis. Nam, ut sacra prius attingamus, quid est quæso uspiam in sacris literis memoriae proditum, quod de cœlo nos obseruare, atq; ex huius generis inflammationibus, aut omnino ex astris hariolari, aut uenturas uaticinari calamitates, aut prosperam promittere fortunam iubeat? Quin uetat nos ita insanire, graui etiā addita cōminatione, solus futurorum præscius, & author Deus: cuius in senatu quis sedit? quis arcanis eius consilijs interfuit, ut quæ uentura sint longe ante, quā eueniant, enunciare queat? Prædici equidem ea non nego posse, quæ physice eueniunt, necq; aliter se habere naturæ lege possunt, ut stellarum ortus & obitus, ut Solis & Lunæ eclipses, ut ipsas quoq; aliquando Cometarum inflammations. Quo magis etiam intelligas, non ut signa, multo uero minus ut calamitatum cauſſæ sint, Cometas à Deo suspendi ex alto, sed ut alia, de quibus iam diximus, incendia naturali quodam ordine, ac ratione identidem existere. Hinc literis proditum est, Thaletem, aut nescio quem alium, Cometæ ortum multo ante prænūciasse. Patrum certe & nostra adeo memoria Appianus Ingolstadiensium Mathematicus, quem suprā nominauī, uno atq; altero, nisi fallor, anno ante quam oríretur, cometē uifum iri prædixit. Idem fecisse dicitur Ioh. Cario, Leonhartus Turneisserus quoq; ante, quam ardederet, hunc Cometam exoriturum esse prænunciauit, si ei fidem adiungimus, de se id in libello suo de Cometis gloriose prædicanti. Iam si ex naturalibus cauſsis Cometarum quoque ortus prænunciantur, naturales certe ignes, non portenta esse, fateantur necesse est. Portenta

X enim